

25. april 2019

UPA2019/190

Imartami sillimaniarnerup, umiarsuarnik nalunaarsuinerup, inatsiseqarnerup il.il. tamakkiisumik oqartussaaffigineqalersinnaaneri pillugit Naalakkersuisut UPA2020-mi nassuaammik saqqummiussinissamik peqquneqarnissaannik Inatsisartut aalajangiiffigisassaattut siunnersuut.
(Inatsisartuni ilaasortaq Henrik Fleischer, Siumut)

Inatsisartunut Ilaasortap Henrik Fleischerip Siumumeersup imartatta oqartussaaffigilernissaa pillugu inatsisartunut aalajangiiffigisassatut siunnersuutaanut Siumumiit imaattumik oqaaseqassaagut:

Qularutissaangittumik namminiilivinnissap tungaanut ingerlavugut. Akisussaaffiillu tiguneqartussat arlalissuusut tigoorarnissaannik suliaqarnissarput pimoorullugu Siumumiit sulissutigaarput.

Siumup anguniagaraa oqartussaaffiit akisussaassuseqartumik aammalu aningaasaqarnikkut nanertuutaangittumik nunatsinnit akisussaaffigineqalersarnissaat. Tamannalu qulakteerniarlugu misissuinerit arlalippassuit suliarineqartareersimalerput. Siumumiit siunnersuuteqartoq ilalerparput oqartussaaffiup tiguneqarnissaanut periusaasinnaasunik aammalu aningaasaqarnikkut qanoq kalluaasinnaaneranik imaluunniit iluaqutaasinnaaneranik nassuaammik suliaqartoqarnissaa.

Nassuaammi Siumumiit kissaatigaarput imartatsinni akisussaaffiup qanoq iliorluni tiguneqarsinnaaneranik imaqarnissaa. Eqqaamaquarpullu nunatsinnut tulluartumik naleqqussarluakkamillu oqartussaaffimmik tigusinissaq suliarineqartariaqarmat. Tassami soorlu oqareernittuut; qularutissaangittumik namminiilivinnissaq galliartorpoq, taamaattumillu oqartussaaffik pinngitsoorata tigusussaavarput.

Naalakkersuisut akissuteqaamminni siunnersuummi aalajangiinerup kingunerisaanik nassuaammik saqqummiussinissap ukumik affarmik kinguartitsinissaq Siumumiit ilalerparput, tassami tunngavilersuut paasilluarsinnaavarput, oqartussaaffik annertuupilussuummat aammalu aningaasatigut kingunerisassai sukumiisumik misissorneqarsinnaaqqullugit.

Taama Siumumiit oqaaseqarluta siunnersuuteqartoq Inatsisartunut ilaasortaq Henrik Fleischer qutsavigaarput siunnersuutaalu ilalerlugu sanaartornermut ataatsimiitsitaliamut Naalakkersuisut



allannguutissatut siunnersuutaat nalilersortilluarumallugit aappassaaneerneqartinnagu
suliarineqarnissa inassutigaarput.

Nikkulaat Jeremiassen, Siumut